

*A long time in the future, in a galaxy far, far away, the children of Planet B are learning the stories and traditions of their ancestors from the long-since destroyed Planet Earth*

*Aght 1 Y Plannaid B*

*(Brastyl 1 daunse Shelg yn ghrian, 1/2 jeu troggal seose y ghrian er maidjey, paitchyn shinney jannoo Arrane, shelg y ghrian.)*

helg y ghrian as Robin y Bobbin  
helg yn ghrian as Richard y Robin  
helg yn ghrian as Jacky y lan  
helg yn ghrian as dagh fer jeu

C'raad o c'raad as Robin y bobin  
C'raad o c'raad as Richard y Robin  
C'raad o c'raad as Jacky y lan  
C'raad o c'raad as dagh fer jeu

Trooid towl-dhiane  
C'ren aght t'ad troailt?  
C'raad Oh C'raad  
Ayns y lhong spoar Shirragh  
Cre'n fa cre'n fa?  
C'raad Oh C'raad  
Ta'n ghrian gaase mooar

*(Ta'd cur sheese y ghrian as roie gys shenn skeealeyder ny soie ayns corneil)*

**Paitchey 1** Insh dooin mychione y turrys mooar, hennayr !

**Skeeayleder** Soie shiu sheese as inshyms diu yn skeeal jeh'n turrys vooar.

*moogh yn soilshey son fillym*

*Keayrt dy row ren ny shennayryn ain cummal er plannaid glass-gorrym, foddey ersooyl ayns chorys ny greiney beg er y raad mooar Ree Gorree.*

*Va'n plannaid aalin erskyn towse, lesh ushtey glen roie trooid glionteenyn beggey rish y cheayn veih sleityn mooar. Va ram sorch dy vea dagh ooilley voayl, lussyn as cretooryn yindyssagh as palchey dy ee as iu son dagh fer jeu.*

*Agh va jouyl beg ayn enmysst 'Jollys' cummal ayns mraane as deiney, as eer dy row palchey oc v'ad dy kinjagh gearree tooilley!*

*Soilshey fo raad son arrane*

### **Arrane**

**Tooilley! Tooilley! Cur dou tooilley?**

**Cha noddym goaill dy liooar!**

**B'vie lhiam cosney smoo!**

**Cha nel accrys orrym, agh foddym gee tooilley**

**Cha nel paase orrym agh foddym giu tooilley**

**Ta palchey dy eaddagh aym agh foddym ceau tooilley**

**Nagh vel oo jeant magh? T'ou cho jollyssagh!**

**co chiaull**

***Skealeyder** Eer dy row yn çhymmyltagh oc cho vessoil, va jouyl beg, Jollys, dy kinjagh sansheraght 'tooilley' ayns nyn gleayshyn.*

*Ren ad pyshoonaghey yn ushtey glen, ren ad mooghey ram sorch dy cretooryn as lussyn, ren ad cragh da ny keylljyn as va'n ghrian oc jeeaghyn er dagh red olk ren ad.*

*Ayns y toshiaght v'ee trimshagh, agh fy yerrey hoal haink ee dy ve **corree jiarg**. Tra honnick ny mraane as deinne dy row yn ghrian corree jiarg, haink aggle orroo.*

*Va fys oc dy row jeeal mooar jeant oc agh cha row fys oc cre ry yannoo. Ren paart jeusyn croymmey nyn ging, padjaghyn y yannoo. Ren paart jeu cummal giense mooar, foast gyllagh magh 'tooilley!' agh ren paart jeu troggal lhong, lhong braew as biosagh enmysst Y Shirragh, as ren ad troailt magh shirrey corys ny greiney noa.*

**Paitchey 2** Agh cre mychione Jollys?

**Skealeyder** Ny jean boirey mychione yn jouyl beg shen. Daag ad eh er y chruinne, as skeaylit ersooyl v'eshyn, myr joan spoar.

*T'ad faagail yn ardan*

AGHT 2 ( Blein 2500 Y Chruinney)

Arrane

Cloan ny cruinney, ben as dooiny  
goll as gaccan, gearree tooilley  
Bee as ushtey bree as tushtey  
goaill as goaill as spooilley ooilley

*Ta Mnr J. Olyys soie ec boayd mooar goll trooid ledger. Ta crank er y dorrays.*

**Mnr Jollys:** Ahhh, Gard 1. Vel fys ayd cre'n fa ta mee gearree loayrt rhyt?

**Gard 1:** Erm...t'ou gearree loayrt mychione yn eie aym son cur brishtagyn 'sy çhamyr skimmee?

**Mnr Jollys:** Brishtagyn? Vel oo magh ass dty cheayll? Cha nel! Ta mee gearree loayrt mychione earrooynd! Ta ny earrooynd shoh scammyltagh! Jeeagh er y graaf shoh! T'eh goll sheese dagh vee! Cre ayns y theihll ta goll er?!

**Gard 1:** Wahll...ta'n pobble er ve ...paartail..

**Mnr Jollys:** C'raad t'ad goll?

**Gard 1:** Cha nel yn bea oc feer slayntoil..cha nel monney bee er nyn son, ny keayrtynd cha nel yn ushtey feer glen...myr shen t'ad geddyn baase dy aashagh.

**Mnr Jollys:** Leshtalyn, leshtalyn! Cha nel mee gearree clashtyn tooilley. Shegin da ny earrooynd sharaghey, ny bee eiyrtysyn. Drogh eiyrtysyn! Vel oo toiggal?

**Gard 1:** Ta mee toiggal.

**Mnr Jollys:** Tar er-ash tra ta ny earrooynd sharaghey. Eisht fodmayd loayrt mychione brishtagyn.

*Moogh yn soilshey, coolrey shamyr lhiabbagh*

*Ardan dorragey, sleih nyn cadley er y laare*

**Raff:** Doost jee, doost jee

She laa braew son gobbragh

immee gys ny stashoonynd eu

broo ny crammanynd

cur stiagh yn coad

shegin dooin streeu son tooilley stoo!

Gard 1 Gys ny ynnydynd eu, aarloosonynd jeh obbyr creoie!

Gard 2 Gys ny ynnydynd eu!

Gard 3 Ny s'taptee!

Ta'n pobble girree as shass myr zombeeyn er yn gleasheyder

Arrane

'1 as 2 as 3 as 4 as'

'shassoo' 'broddey' 'dagh laa' 'yn un red' 'dree' 'graney' 'gobbragh' 'gyn bree' rpt  
shegin dooin ooilley gobbraghey, shegin dooin gobbraghey

*coolrey-clag goll mygeayrt? Foddee yn un chlag ta eddin Raff cheet magh ass*

*Ta ny pobble gobbraghey, jeeaghyn taroogh. Voish traa gy traa ta gardyn coadee cheet stiagh,  
jeeaghyn mygeayrt as eisht faagail.)*

Arrane-slane scoill

**1, Fud ny cheerey, feiy yn laa**

**Broo, broo ny crammanyn!**

**Reesht as reeshtagh gyn caghlaa**

**Broo, broo ny crammanyn!**

**Co- chiaull**

**Broo, broo ny crammanyn!**

**Shuyraghyn, braaraghyn**

**Moiraghyn, Ayraghyn**

**Broo, broo ny crammanyn!**

**Shegin dooin tannaghtyn sauchey**

**2, Cha nel traa dy roie na cloie**

**Broo, broo ny crammanyn!**

**Son ta shin nyn obbreeyn mie**

**Broo, broo ny crammanyn!**

**3, Boodeeys niartal ren shin chroo**

**Broo, broo ny crammanyn!**

**Fo yn ghrian, shegin dooin streeu**

**Broo, broo ny crammanyn!**

**Gard 1** 10 er y chlag. (*sheidey feddan*)

**Gard 2** Shass shiu dy toallee!

**Gard 3** Jean siyr, jean siyr! LAH!

**Gard 2** LAH!

*Ta ny gard 1 coadaghey e chleayshyn. T'ad ooilley reaghey ad hene son yn Arrane Ashoonagh*

**Gard 1** Fuirree rish y note kiart! Eh Hemm! T' eh traa son Yn Arrane Ashoonagh Y Theihll, yn arrane da'n ghrian, ta freayll shin bio!

**OOILLEY** Da'n ghrian ta freayll shin bio!

## ARRANE

**1. She'n ghrian ghial ta Ghloyr yn Theihll ain**

**Ta cur dooin bea as bree,**

**Ny lhig dooin scuirr veih goaill nyn aynyn,**

**Shinyn e seyranee!**

**Niart ny greiney!**

**Niart ny greiney!**

**Er shen ta theihll ain croghey,**

**Niart ny greiney!**

**Niart ny greiney!**

**Feiy yn laa as fud ny hoie**

**2. Ta shinyn gobbraghey ny jeshaght**

**Ta'n ghrian ain cur dooin pooar**

**Ry cheilley streeu son tooilley stoo**

## Nagh vel shen dy liooar?

**Gard 1**                   Kiart dy liooar! Ta obbyr ry-yannoo! Jean siyr.

**Gard 2**                   Uss? Vel oo chlashtyn mee?

**999 (LOOBA)**           Ta, ta mee clashtyn oo!

**Gard 2**                   ‘ Ta, ta mee clashtyn oo.....*my ghooiinne*y coar!’

**999 LhOOBA**           Ta, ta mee clashtyn oo, my ghooiinne y coar.

**Gard 2**                   Shen ny share.

**Gard 1**                Ny jean jummal traa arganey marish yn pobble. Shegin dooin gaardey Stashoon 2 as 3 neesht. Cha mie lhiam yn aght ta fer na ghaa jeu jeeaghyn orrin. Ta red ennagh er-chee taghyrt.

### Arrane-Eiyr shiu er ny saraghyn

Er lhiam dy vel peiagh ennagh ayns shoh er ve smooiyn

Er lhiam dy vel peiagh ennagh ayns shoh er ve sheiltyn

Er lhiam dy vel peiagh ennagh ayns shoh er ve briaght feyshtyn,

as cha nel shen yn aght: bee as cuirrit magh, cuirrit magh

                  biallys as fondid erskyn dagh ooilley nhee

                  eiyr shiu er ny saraghyn as beaghey ayns shee

                  biallys as fondid erskyn dagh ooilley nhee

                  eiyr shiu er ny saraghyn as beaghey ayns shee

**Gard 1**                Nish, noddym treishteil shiush dy hannaghtyn ayns shoh marish ny obbreyn? Bee shickyr dy vel ad jannoo yn obbyr.

**Gard 2**                Red erbee t’ou gra, Vainstyr

**Gard 3**                Ta shin feer treishteilagh. Neemayd freayll ad gobbragh, nagh jean?

**Gard 2**                Neemayd!

**Gard 1** Traa cloie jeant! Nish gys 6 ooryn elley jeh obbyr creoie !(*sheidey feddan as faagail*)

### **Reprise Arrane Broo ny Cramman**

#### AGHT 3

*Stashoon 1. Ta 7 fir obbree gobbraghey jeeaghyn tarroogh. Ta Gard 2 & 3 freayll rick orroo, agh t'ad litcheragh as loayrt ry-cheilley as cloie kaartyn . Cha nel ad eer jeeaghyn seose ny mennick.*

**Gard 2** Tostid!

**Gard 3** Bee nyn dost!

**Gard 2** Kiunys!

*(Ta sleih gobbragh ayns kiunys rish tammylt, eisht...)*

**999 LHOOPA** Cre'n fa ta ny gardyn shen gyllagh orrin dy kinjagh?

**123 TREISHT** Nagh vel oo toiggal? Cha nel feme oc er leshtal dy yannoo orrin. T'ad mainstyragh- shen yn oyr t'ad gardey shin, freayll shin gobbragh er ny co-earrooderyn thootagh shoh. Shegin da ve aght elley ayn!

**842 Creeney** Ta aght elley ayn! Ta mee fakin eh ayns my ashlishyn! Sleih roie cheumooie, sleih seyr dy 'eiyr er nyn eiyn hene. Sleih ta goaill arrane- cha nee yn arrane ashoonagh thootagh shen, agh arraneyn noa as lane dy vree.

**999 Lhooba** Shen sheeanal braew!

**450 a) Jane** Dy row caa ain scaapail voish yn bea dree shoh!

**111 Carraghey** Ny lhig **dausyn** clashtyn oo loayrt myr shen !

**Gard 2** Tostid!

**Gard 3** Bee nyn dost!

**Gard 2** Kiunys!

**450 a) Jane** Er lhams dy vel adsyn boirit mychione red ennagh, agh cha nel fys aym cre t'eh.

**Beaynid** Erm..er lhiam dy vel fys aym. Ta mee er chlashtyn dy vel **fouaghyn quaagh** goll mygeayrt!

**450 a) Jane** Oh, dy jarroo! Ta **dy kinjagh** fouaghyn quaagh goll mygeayrt! Agh **cre** ny fouaghyn? Ta fys ayd er dagh ooilley red nagh vel?

**Gard 2** Tostid!

**Gard 3** Bee nyn dost!

**Gard 2** Kiunys!

**997 BEAYNID** Ta mee er chlashtyn, wahll, cha noddym credjal eh, agh ta sleih gra dy vel yn scape ayns gaau!

**999 Looba** Ogh cha nee! Dy jinnagh yn scape failleil, beemayd lostit!

*(Ta Gard 1 cheet er-ash, fakin G2 &3 cloie kaartyn! T'eh corree!)*

**Gard 1** Screbbyn, riftanyn as blebbyn! Cre'n fa nagh vel shiu coadey yn pobble?

**Gard 2** Ren shin yn obbyr o vainshtyr, nagh ren? Vrie jeusyn magh ayns shen. Nagh ren shin gra:  
Tostid!

**Gard 3** Bee nyn dost!

**Gard 2** Kiunys!



**Gard 1** Kiar dy liooar, kiar dy liooar. Agh ta my oardaghyn gra dy ‘bee **tastagh** son cowraghyn jeh **irree magh**. Myr shen, gow kiarail. (*rish Yn Pobble, dy chorree*) Cre’d ta shuish jeeaghyn er? Ren mee gra scuirr? Ta ram ry-yannoo lesh niart y greiney. Nagh vel shiu aighoil?

**Raff- FOGREY Y PHOBBLE ! FOGREY Y PHOBBLE!**

**Shegin diu ve er arrey!**

**Shoh Fogrey Mooar da’n Phobble .**

**Ta’n niart y scape failleil shin.**

**She jerrey yn theihll t’orrin.**

**She shoh yn cronney treean ain!**

**Ta agh un shooyl son ooilley!**

**Dy gheddyn baase ry-cheilley.**

**Ny lhig dooin ve fo aggle!**

**Er-ash gys obbyr cadjin**

**Bee sauchys ain rish shiaghtin**

**Lurg shen nagh bee lane fys ain**

**Agh cha nel red ry yannoo!**

**Gard 1:** Jerrey y theihll! Cha ren peiagh erbee gimraa shen ec y chaglym skimme! Shiuish-bee ram obbyr pabyr bentyn rish shoh. Tar shiu gys yn oik-jarrood my-nyn-gione son nish.

#### Aght 4

**450 a)(Jane)** Ren shiu clashtyn shen?!

**123 (Treisht)** Cha nod shoh v'eh yn jerrey! Cha nel mee rieu er.... shiaulley ayns baatey.

**450 a) (Jane)** B'vie lhiam clashtyn ushagyn goaill arrane

**842 (Creena)** B'vie lhiam gee mess *oor*

**999(Lhooba)** B'vie lhiam markiagh er cabbyl, as yn gheay bennalt ayns my olt

**997 (Beanid)** B'vie lhiam troggal cashtal gheinnee

**111 (Bnr Carraghey)** B'vie lhiam lhie ayns my lhiabbee derrey ta mee gearree girree seose!

**Ooilley** Cre'n sorch dy dean ta shen!

**111 (Bnr Carraghey)** She'n dean aym!

#### Arrane - vel shoh yn jerrey

Vel shoh yn jerrey? Beign dooin ve mooghit?

Er lhiam dy vel lossag foast lostey ayns my chree!

Vel eh orrin lhie sheese? Vel eh orrin croymmey?

Vel eh orrin surranse as lheie ersooyl gyn bree?

Foddym fakin caa, foddym fakin soilshey  
Foddym fakin daah, foddym fakin bea!  
Lhig dooin goaill yn caa, as getlagh gys yn ashlish  
Fodmayd troggal lhong spoar as goll dy hirrey bea noa, fodmayd shirrey bea!

**450 a) (Jane)** Lhong spoar! Shen spotçh, vel?

**111(BnrC)** Wahll, va ooilley yn chaghnoaylleaght ain, keayrt dy row. Eisht haink yn cragh vooar as va shin ro harroogh jus prowal dy hannaghtyn bio.

**997 (Beaynid)** Ta fys aym er yn aght dy hroggal lhong spoar. As ta cullee as greieyn dy liooar mygeayrt Stashoon 1.

**Raue: She Traa Kirbyl t'ayn She traa kirbyl t'ayn**

**Immee shiu gys y stashoon bee son lhongey slayntoil as blasstal**

*Ta'n pobble shassoo er pemmayd gleashagh as ta'd cuirrit gys y stashoon bee (jeant lesh coolrey  
gleashagh as sound fx) Ta 2 robot ayn glenney.*

**450 a) (Jane)** Cre'n fa ta shin fieau, eisht!

**111 (Bnr C)** Ny bee gaskeydagh!

**450 a) (Jane)** Ny bee gaskeydagh! Cha nel agh shiaghtin faagit ain, c'red t'ou gearree jannoo-goaill aash?!

**111 (Bnr C)** Goaill aash... Hmmm shen eie mie

**997 (Beaynid)** 941 947 953 967

**842 (Creena)** C'red t'ou jannoo?

**997(Beaynid)** Erm wahll, va mee goll trooid ny ard earrooyrn

**842 (Creena)** Cre'n fa?

**997 (Beaynid)** S'mie lhiam ny ard earrooyrn. Ta freggyrtyrn ayndaue son dagh feysht

**123 (Treisht)** kiart dy liooar-cre'n schleiyn elley t'ain? Dy liooar dy hroggal lhong spoar?

**995 (Lhooba)** Ta mee arryltagh dy phrowal!

**842(Creena)** Ta fys aym dy beemayd speideilagh! Shegin dooin ooilley reih enmyn noa son yn bea noa ain!

**450 a)** Captan Jane T Quirk!

**997** Beaynid ?

**999** Lhooba!

**123** Treisht!

**842** Creeney

**111** Bnr Carraghey

**Ooilley**-1, 2, 3 seyrsnys!

*(Ta ny fennee faagail yn chamyr bee. Ta 2 robot cheet magh ass ny corneilyn as ta'd goail  
toshiaght glenney)*

**Noon** cha nel mee gearre ve mooghit, vel oo gearree ve mooghit

**Noal** cha nel mee gearree ve mooghit, vel eh orrin ve mooghit?

**Noon** ta ny gardyn gra dy vel

**Noal** share lhiam goll er y lhong spoar

**Noon** mish neesht

**Noal** oddagh shin glenney y lhong spoar  
**Noon** oddagh shin  
(T'ad clabberagh magh)

*Dorraghys, ta ny fennee cheet er ash er yn ardan son animaght/daunse troggal roggadpoan*

## Aght 5

Arrane-Shiaulley ayns spoar

1. Oh yn feaynid mooar shoh!  
As ta shin shiaulley sy spoar  
Dy etlagh mygeayrt as mygeayrt  
Marish nyn gaarjyn  
Dy ve jeeaghyn magh er  
Yindyssyn niartal sy speyr,  
Ny planaaidyn lossey myr aile,  
Sollys as dorraghys , ry-cheilley.

2.Reddyn aalin, reddynd mie,  
As reddynd agglagh as keoie  
Nee dagh laa cur lesh reddynd noa,  
reddynd anchasley!  
Ta shin eddrym as seyr  
Chouds ta ny niaughyn chyndaa  
Son daag shin yn vea ain nyn gooyl  
Shirrey fer elley, ry cheilley

Laare y lhong spoar, Shirragh

*Skimmee riojit ayns obbyr. Ta'd er chaghlaa nyn gullee ayns aght persoanagh*

### **Captan Jane T Quirk lioar lhiungey y chaptan**

Date sheyoo laa Mee Vayrnt Blein 2500

Haink lhong spoar Shirragh magh ass y towl dhiane jea.

Ren y clane skimnee cheet trooid ayns sauchys as nish ta shin aarlooy dy ghoail toshiaght y ronsaght ain dy eddyn plannad noa cooie son bea.

*Skimmee aa- vioghey*

**Jane** Jean coorse gys y Kerroo - kiarkyl Delta

**Beaynid** Cre'n fa ?

**Jane** Honnick Creena red ayns ashlish

**Looba** Oo-c' red?

**Creaney** Cha nel mee shickyrr. V'eh finnagh, va stroin fliugh er as cha ren eh soaral feer vie  
( ta Noon as Noal jeeaghyn boirit)

**MnrCarraghey** C'ren fa ta shin shirrey red fynagh ta soaral olk

**Creaney** Cha s'aym, agh t'eh feer scanshoil

**Treisht** Jeeagh! c' red ta shen? Sorch dy 'inneig?  
**Beaynid** T'eh sniemmey stiagh ayns y lhong

**Breck** Woof woof. Moghrey mie. Gura mie eu son livrey mee, va mee er chee roie magh  
ass ocsyjeen

*(Ta Noon as Noal clabberagh lurg y moddey skeoighey)*

**Treisht** Quoi uss?

**Breck** Mish Breck. Ren yn reiltys aym cur mee ayns finneig dy eddyn magh row eh  
sauchey dy gholl trooid yn towl dhiane.

**Looba** Oh shen yn raad ren shinyn goll!

**Breck** Tra haink mee magh va mee caghlaait gys y moodys shoh as abyl dy loayrt, agh  
cha row yn çhell-woof aym gobbraghey as va mee bunnys magh ass aer. Gura mie mooar eu son  
sauil mee! *(T'ee lheimmey seose er Looba, prowal dy shliee yn eddin eck)*

*Sheean jeh shireen*

**Gard 1** Raue! Raue! Lhong spoar 326 Alpha Ta'n traa eu ceaut. Tar back gys y chruinney  
chelleeragh son yn currym eu!

**Treisht** Ogh cha nee! Hooar ny Gardyn trooid yn towl dhiane neesht! Cre nish?

**Gard 2** Shegin diu cheet back son jerrey y theihll

**Skimmee y Shirragh** C' red!

**Beaynid** Vel ad magh ass nyn ging!

**Gard 1** Mannagh vel shiu çhyndaa mygeayrt, bee drogh eirtysyn

**Gard 3** T'eh, drogh eirtysyn!

**Jane** Ny s'messey na jerrey y theihll?!

**Gard 1** Tar marin as cur ooashley kiart da'n ghrian!

*(La,La,La-Arrane Ashoonagh goaill toshiaght ayns y Shirragh ta'd ooilley cooadaghey nyn  
gleayshyn as ta Breck goaill toshiaght gullyrnee)*

**Bnr Carraghey** *(da Treisht)* Nagh vel oo abyl dy scuirr yn sheean shen?

**Treisht** Fuirree minnid, ta mee prowal, ahhh!

**Beaynid** Nish cre ry yannoo?

**Jane** S'caapail. Dy tappee

*Beaynid as Mnr Carraghey feer tarroogh lesh crammanyn, eisht whoosh as yn car 'Jerrey yn  
theihll liorish 'Skeal' cloie'*

Y cloh

**Beaynid** Er lhians dy vel shin abyl dy goll ny s'tappee - fodmayd roshtyn 'warp drive' my ta shin  
clistey ny microwavyn

**Mnr Carraghey** Lhig dooin prowal eh

Arrane  
'Bieuid warp!'

Broo yn cramman, as immee gys warp ny s'tappee na soilshey!  
 ny s'tappee ny s'tappee ny s'tappee ny s'tappee na soilshey  
 C'raad neemayd scuirr?  
 Rollageyn cassey ayns corysyn noa Cur dooin nyn soilshey !  
 ny s'tappee ny s'tappee ny s'tappee ny s'tappee na soilshey  
 C'raad neemayd scuirr?  
 Mygeayrt ny rollageyn ta planaidyn noa vel fer jeu cooie?  
 ny s'tappee ny s'tappee ny s'tappee ny s'tappee na soilshey  
 C'raad neemayd scuirr?  
 Lhig dooin ronsaghey ny planaidyn shoh, o cur dooin speideilys  
 ny s'tappee ny s'tappee ny s'tappee ny s'tappee na soilshey  
 C'raad neemayd scuirr?

**Treisht** Jeeagh-Ta planaid anaasagh ayns shid  
**Jane** Lhig dooin ronsagh-cur ee magh ass warp Mnr Carraghey  
**Mnr Carraghey** Kiart dy liooar

*Zoom gys y ghrunt*

**Lhooba** Vel eh sauchey dy gholl cheu mooie?  
**Creena** T'eh jeeaghyn dy vel yn aeraght feer vie  
**Mnr Carraghey** Ta, t'eh sauchey  
**Jane** Hoooin roin!

Aght 6

**Ooyl** c' red va shen?  
**Smeyr** Er lhiam dy ren red tuittym  
**Cass ny fannag** nee lhong spoar t'ayn?  
**Rose** foddee, agh quoi ta cheu sthie  
**Shillish** As vel ad caarjyssagh?  
**Garleod** S'treisht lhiam nagh vel ad fergagh!  
**Luss ny minnag** shh, t'ad cheet

**Lhooba** Nagh vel ny lussyn yindyssagh!  
*Lussyn giggleragh*

**Creena** T'ad cho vooar!  
**Treisht** Ta dagh ooilley red jeeaghyn glass as messoil, Breck scuirr shen!  
*Lussyn jannoo kesmayd er ghooyl*

**Jane** Ta red ennagh quagh mychione ny lussyn shoh?  
**Beaynid** Ta, ta mee shicky dy ren mee clashtyn ad giggleragh  
*Ta Beaynid broddal ad, as t'ad giggleragh/ gaccan*

**Beaynid** Cre ayns y theihll!  
**Breck** Woof!

**Ooyl** Son shickerys ta shin giggleragh  
**Shillish** Ta shiuish jeeaghyn aitt

**Lhooba** Ta shiu cho aalin! B'vie lhiam peintal shiu!  
**Beaynid** Ta mee gearree mynscrutaghey ad  
**Breck** As ta mee gearree-  
**Creena** Shen dy liooar, Breck!  
**Beaynid** Cre'n sorch dy lussyn ta shiu?

Arrane

Vel shiu rieu er chlashtyn jeh ny poanraghyn pishagagh?  
Poanraghyn pishagagh poanraghyn pishagagh  
Haink ad veih'n plannaid shoh

Ren Jack creck yn booa son paggad dy phoanraghyn  
Paggad dy phoanraghyn paggad dy phoanraghyn x2  
Haink ad veih'n phlannaid shoh!

Va'd ceaut ass yn uinnag as daase ad feer toallee  
daase ad feer toallee, daase ad feer toallee x2  
Haink ad veih'n plannaid shoh!

**Mnr C** Agh vel shiu lussyn ny vel shiu cretooryn?

*Ta'd giggleragh- kiaull claasagh ry chlashtyn*

**Jane** Oo- c' red ta shen ? T'ee cloh yn sheean  
**Treisht** Jane, scuirr! Foddee nagh vel eh sauchey!

**Lussyn** cha nel eh!

*T'ad roshtyn y claasagh*

**Jane** Wow, shegin dou goaill eh!  
**Lhooba** Cha b' lhiats eh  
**Jane** lhisagh eh ve!  
**Treisht** Jane, c' red t'ou jannoo?  
**Creena** Cha nel shoh ny eie mie!

**Lussyn** Follee shiu, t'ad cheet!

Kiaull Bugganeyn

Skillagallee skillagallee ta deiney ayn as shegin dooin gee  
Cur dooin craueyn, cur dooin fuill, stiagh 'sy phanney lesh yn ooill

Boom! Vel oo geaishtagh rooin?  
Bugganeyn ayns y thie  
Cur geill dooin!  
Cho olk as y jouyl, cho graney as claghyn  
S'mie lhien gee pishynyn, craueyn as crackyn

Tar gys y thie ain, t'eh bunnys tra shibbyr  
She uss er y kaart bee rostit lesh pibbyr

Ta shinyn gaase rouyr, agh s'cummey lhien shen  
Ta berchys dy liooar ain dy greinnaghey mraane

**Fee** Vel oo soalar red ennagh?  
**Fi** dty hoin!  
**Fee** Jeih dty ghob  
**Fum** B'vie lhiam gee, cre t'ayn?

**Fi** lossreeyn!  
**Fee**\_Cha nee lossreeyn reesht! Cur dou feill!  
**Fum** cre voish ?  
**Fee** foddym soaral red ennagh, nagh vel lossreeyn  
**Fi** Jeeagh, ta mess braew er y luss shoh!  
**Fum** Cur fer dou eisht  
**Fee** Mish neesht!  
**Fi** As eisht, cre mychione bit dy chiaull? C'raad t'an claarsagh ain!

*Ta ny lussyn cur yn claarsagh ayns meain yn ardan as ta ny ogyryn tuittym er chadley lesh yn kiaull*

**Jane**\_Nish foddym goaill eh  
**Sleih elley** Cha nee!  
**Jane** Shegin dou  
*T'ee goaill eh, t'ad roie veih'n ardan, ta ny ogyryn doostey as geiyrt orroo dy corree*

**Luss**\_Cha nel ad rieu gynsagh!  
**Luss**\_yn un skeeal reesht  
**Luss**\_Y jouyl beg jollys!  
**Luss**\_Sleih! Cha nel ad rieu jeant magh

*Er y lhong spoar*

**Noal** C'red ta shoh jannoo?  
**Noon**\_Scurr! Ny jean shen!  
**Noal**\_Agh ta dreeys orrym  
**Noon** Ta ny sleih cheet, as t'ad ayns driss

**Jane** cur ny jeshaghtyn fo raad  
**Lhooba** she maarliagh uss!  
**Mnr Carraghey** s'cummey shen nish, ta ny bugganeyn bunnys ayn!  
**Treisht** Lhisagh oo cur yn claasagh daue, Jane!  
**Jane** Cha noddym. S'lhiam eh!  
**Beaynid** Erm..Ta shin aarloo d'aagail  
**Creena** Cha mie lhiam shoh  
**Looba** Ta bugganeyn er y gheaylin jesh!  
**Jane** hoin roin

**Mnr Carraghey** Ta mee jerkal dy vel niart dy liooar ec yn jeshaght!! Shegin dooin roshtyn stashoon conney roish dy vel shin goit!

Aght 7

*Ta troailtee quaagh nyn soie cooyl pabyryn naight fo cowrey ta gra Stad Varroose. Voish traag gy traag t'ad jeeaghyn seose as loayrt.*

Ethan Cren traag t'eh?  
Freya K 3 er y chlag!

Sage Cren traa t'eh?  
Freya K 3 er y chlag!

Cara Cren traa t'eh?  
Olivia Foast 3 er y chlag!

Ooilley Urgghh!

(ooilley jeeaghyn er ny pabryryn naiaght)

Ethan Cren traa t'eh?  
Freya K Un vinnid lurg 3

Sage Cren traa t'eh?  
Freya K Un vinnid lurg 3

Cara Cren traa t'eh?  
Olivia Foast un vinnid lurg 3

Ooilley Urgghh!

(ooilley jeeaghyn er ny pabyryn naight oc)

Cara Ta fys aym! Nee yn traa goll shaghey ny s'tappee lesh kiaull (T'ee cloie. Cur magh edd son argid.)

Olivia Scuirr ! Foddee dy jig yn baroose!

Freya K Cre'n baroose?

Ooilley Yn baroose spoar, yn earroo 5C!

Freya K Oh yarrood mee. Ta mee er ve fuirraghyn rish traa liauyr.... 1,2,3 ooryn!

Ethan Shen agh veg! ! Ta mee er ve fuirraghyn rish ...1,2,3 laghyn!

Sage Shen agh veg! ! Ta mee er ve fuirraghyn rish... 1,2,3 bleeantyn!

Cara Shen agh veg! ! Ta mee er ve fuirraghyn rish 1,2,3 er..erm..erm. Whall ta mee skee. Ta shoh dree! As my strengyn brishey. As ta my wannal gonnagh! As cha nel monney argid aym!

Olivia Ssh! Foddee dy jig yn baroose! Vel shen eh?

(ooilley jeeaghyn magh)

Ethan Cha nel. Shen gleashtan Bnr Matthews!

Sage Vel shen eh?

Ethan Cha nel. Shen daa-wheeyl Bnr Clague



Freya K                      Vel shen eh?

Olivia    Cha nel. Shen tayrneyder Jishag Nora

Cara    Ogh by vie lhiam cadley.

Ooille              Cha nod oo jannoo shen. Foddee dy jig yn Barroose.

Shegin dooin tannaghtyn dooisht, Cre mychione arrane ?

**CRAAD TAN BAROOSE?**

1. Ta jerkalys ain dy jig eh, dy gherrid  
Bee chaglym ain ec kerroo gys 3  
Ren shin fuirraghtaghyn, rish tammylt beg,  
Shinyn ta shenn as aeg  
Craad ,O Craad ta'n 5C?

O varoose, o varoose,  
Craad t'ou nish? craad tou nish?  
Jean siyr ny veesmayd anmagh!  
O varoose, o varoose,  
Craad t'ou nish? craad tou nish?  
Er lhien nagh jig eh arragh!

2.Tad gra dy vel eh cailt ayns Purt le Moirrey?  
Ren ad fakin eh ratchal trooid Glion Maye,  
Ren eh scuirr ro liauyr ec QE2 son  
Paitchyn caggey, heose as heese  
Craad O Craad ta'n 5C?

O varoose, o varoose,  
Craad t'ou nish? craad tou nish?  
Jean siyr ny veesmayd anmagh!  
O varoose, o varoose,  
Craad t'ou nish? craad tou nish?  
Er lhien nagh jig eh arragh!

**Ooille**                      - Cha nhegin dooin cadley- Cha nhegin dooin cadley! Foddee dy jig yn baroose..  
foddee dy jig yn baroose!

(Tad nyn gadley)

*Ta roosteryn spoar sleetchal magh ass ny scadooyn.*

**Captan Frida**              Nish my ghuillyn! oo ar! oo ar ! oo ar! Vel shin aarlooo??

**Ooille**                      Ta shin aarlooo chaptan; oo ar! oo ar ! oo ar!

**Captan F**                      Ta ny ommidyn shoh fuirraghtyn rish baroose

**William**                   Nagh jig rieu....

**Ferris**                   Er y fa dy ren shinyn geidey eh!

**Salvador**                Hug mee towl sy crou echey, lesh yn skynn beg giare aym!

**Ooille**                    Oo ar, oo ar, oo ar, nagh vel shin mie ec geidey stoo!

**Nora**                    Barroosyn!

**Evie**                     Roaryn bree

**Orry M**                 Baatyn!

**William**                Fo-vooiraneyn!

**Ooille**                 Ta shin geidey ooille jeusyn!! Gow kiarail!

**Captan**                 Agh jiu, s' goan ta ny carbydyn,  
Ta beg agh troailtee boghtey ayn.  
Quoi ta son ronsaghey nyn stoo?  
Ooille ayns foayr, abbyr Captan Aboo!!

**Ooille**                 Captan aboo! Oo-ar! oo-ar!, Cre'n tashtey vees ayn?  
Oo-ar! oo-ar!, Cre tashtey vees ayn?  
                                  Ssh! Ssh !Ssh!

**Nora**                    AHa. Jeeagh cre ren mee cheet er! (*yn edd Cara!*)

**Ferris**                   As mish! (*goll trooid poggaidyn/ pagaghyn etc*)

**Evie**                     As mish!

**Salvador**               Agh c'raad ta'n airh? Ta mee gearree airh!

**Ooille**                   As mish! As mish As mish!

**Orry**                     Cha nel monney ayns shoh!

**William**                Cha nel shoh feeu.!

**Captan**                Mannagh vel shiu scuirr veih gaccan , nee'm giarey ny mwannalyn eu, eisht giu yn fuill eu ayns my hey!

**Evie**                     Tey Ta shen eie mie. Cre mychione cappan dy hey?

ARRANE                SMIE LHIAM CAPPAN DY HEY

**Captan**                Ta eie share aym. Agh freill eh follit (*sonsheraght*) Ta mee clashtyn dy vel claasagh airh er ve goit .

**Ferris** C' red ta claasagh?

**Captan** la la la la la! (*lhiggey er*)

**Nora** Claarsagh airh! Cha mie lhiam kiaull agh s'mie lhiam airh

**Evie** Cheayll mee dy vel sleih voish Trooid yn Towl Dhiane er 'nghoailh eh. T'eh er boayrd  
Lhong Spoar enmyssit Yn Shirragh

**Ooille** Lhong Spoar, Yn Shirragh oh ah, oh ah!

**Captan** As cre ry-yannoo eisht ?

**Ferris** Geid yn claasagh airh oc!

**Nora** Ny share na shen! Lhig dooin goaill yn Lhong-spoar ocsyn neesht!

**Orry M** Ta mee gearree gimman eh!

**Captan** Agh hoshiaght shegin dooin goaill eh!

ARRANE ROOSTERYN SPOAR

Drogh vea! Drogh vea?

Shen yn aght ta shin ceau yn traa!

Drogh vea! Drogh vea?

Shen yn aght ta shin ceau yn traa!

Oo, oo, ah as ny roosteryn spoar!

Skynnyn ayns dagh phoggaid

as sondagh dy liooar

Oo, oo, ah as ny roosteryn spoar!

Skynnyn ayns dagh phoggaid

as sondagh dy liooar

Oo ah ny roosteryn spoar!

Cur dooin dty stock as stoyr

Cur dooin dty stock as dty stoyr.

Drogh vea! Drogh vea?

Shen yn aght ta shin ceau yn traa!

Drogh vea! Drogh vea?

Shen yn aght ta shin ceau yn traa!

Ooille, (gyllagh): JEAN SIYR TAN BAROOSE CHEET!!!

*Ta ny roosteryn faagail lurg geidey stoo, ta ny troailtee doostey, jeeaghyn ayns ny poggasyn  
follym oc)*

**Sage** Cha nel argid ain son yn baroose!

**Cara** Ah well! Shegin dooin fuirraghtyn rish yn nah varoose...mairagh.!

**CRAAD TAN BAROOSE?**

1. Ta jerkalys ain dy jig eh, dy gherrid  
Bee chaglym ain ec kerroo gys 3  
Ren shin fuirraghtaghyn, rish tammylt beg,  
Shinyn, yn shenn as aeg  
Craad ,O Craad ta'n 5C?

O varoose, o varoose,  
Craad t'ou nish? craad tou nish?  
Jean siyr ny veesmayd anmagh!  
O varoose, o varoose,  
Craad t'ou nish? craad tou nish?  
Er lhien nagh jig eh arragh!

2.Tad gra dy vel eh cailt ayns Purt le Moirrey?  
Ren ad fakin eh ratchal trooid Glion Maye,  
Ren eh scuirr ro liauyr ec QE2 son  
Paitchyn caggey, heose as heese  
Craad O Craad ta'n 5C?

O varoose, o varoose,  
Craad t'ou nish? craad tou nish?  
Jean siyr ny veesmayd anmagh!  
O varoose, o varoose,  
Craad t'ou nish? craad tou nish?  
Er lhienn nagh jig eh arragh!

(T'ad shooyl ersooyl , feer trimshagh)

### Aght 8

**Looba** Vel oo shickyry dy vel shoh boayl mie dy scuirr?

**Bnr Carraghey** Wahll cha nodmayd goll ny sodjey gyn conney. Nagh vel shen kiart Chaptan?

**Jane** Kiart Vnr Carraghey

**Beaynid** Honnick mee cowrey gra dy vel pedryl ry-gheddyn

**Creaney** Ta me gennaghtyn nagh jig shoh magh dy mie

**Jane** Ssh! Ta me clashtyn red.

**Lhooba** Gyn-oaltee?

**Ooilley** Gyn-oaltee!

Tendeilee ARRANE  
ARRANE NY TENDEILEE  
Faiit erriu gys yn stashoon phedryl sy spoar,  
pheddryl sy spoar pheddryl sy spoar  
Faiit erriu gys y stashoon phedryl sy spoar  
Cre fa ta'd gymmydey pedryl ayns shoh?

**Beaynid** Quoi t'adsyn? Vel shin treisteil ad?

**Jane** Cha s'aym- ta'd jeeaghyn quaagh.

**Beaynid** Jeeagh er ny laueyn oc!

**Lhooba** Ny jean briwnys orroo...foast!

**Treisht** Er lhams nagh vel ad jeeaghyn accryssagh !???

**Creaney** Vel ad caarjyssagh?

**Treisht** Foddee, agh gow kiarail!

**Jane** Mish Captan Jane T Quirk jeh'n Lhong Spoar, Shirragh. Quoi ta shiu?  
Caarjyn na noidyn?

**Freya A** Caarjyn, dy jarroo!

**Beaynid!** Phew!

**Lyla** Ta shin ayn dy chooney lhieu.

**Isaac** Cre by vie lhiu?

**Jane** Ta shin magh ass conney. As ta'n cowrey shoh gra dy vel shoh yn Stashoon  
Pedryl!

**Breeshey** Ah!! Agh cha nel pedryl ain nish!

**Freya A** Ta shin er ve ass pedryl rish meeaghyn!

**Bnr Karraghey** Ta'n cowrey gra dy vel...

**Lyla** Gow my leshtal agh cha nel pedryl er-mayrn boayl erbee ny laaghyn shoh!

**Beaynid** Ogh cha nee..as ny bugganeyn geiyrt orrin.

**Lhooba** As ny gardyn!

**Bnr Carraghey** Cha nodmayd goll ny sodjey gyn conney! Pedryl, gas, red erbee!!

**Ooilley** Cre ry- yannoo? Dy Tappee ! Dy tappee!

Ta ny tendeilee sonsheraght ry-cheilley

**Freya A** Ny jean boirey! Ta eie ain! Eie mie..son shiuish ansherbee!

**Lyla** As t'eh ny share na veg

**Isaac** As cha nel shin gearree shuish dy ve eie er ny bugganeyn

**Breeshey** Ny dy geddyn baase marish ny gardyn

**Freya A** Ta shinyn ny tendeilee!

**Ooilley** As neemayd cooney lhiu

Tendeilee ARRANE-LHIEEN SEOSE (Waltzing Mathilda)  
Ta shin Ny Tendeilee jeh yn shashoon phedryl shoh  
Cha nel un vine dy phedryl ain !  
Lesh yn coarid cree ain, yiowmayd diu yn bree ain,  
Cur shiu er-ash er y raad ta shiu goll.

Lhieen seose yn lhong spoar  
Lhieen seose yn lhong spoar  
Lhieen seose yn lhong spoar,  
Cur pooar jee!  
Mish as my charjyn, lhig dooin ooilley cooney lhieu  
Lhieen seose yn lhong liorish bwoalley nyn gree!  
Gobbraghey ry-cheilley, gobbraghey myr nane  
Eer dy vel jeeaghyn keoie, ta shin foast goaill arrane:  
Lhieen seose yn lhong spoar etc

**Creoney** Er lhiam dy vel ny cretooryn quaagh shoh son cur seose nyn mea er nyn son!

**Jane** C'red? Cre'n fa? Oh ta shoh agglagh!

**Tendeilee** Ta shin ayn dy chooney...Ta shin ayn dy chooney...Ta shin ayn dy chooney..

*(T'ad reaghey ad-hene ,fer er fer as lhiggey er dy vel pooar goll nyn drooid gys cheu yn Lhong Spoar. T'ad cheet dy ve faase. Ta'n sheean jeh Lhong Spoar niartaghey seose ry chlashtyn)*

**Treisht** Scuirr ad!

**Lhooba** Cre'n aght?

**Beaynid** Er lhiam dy vel eh ro anmagh

**Mnr Carraghey** T'eh ro anmagh! Jeeagh! T'ad goaill ymmyd jeh nyn girp!

**Lhooba** Wow! Va shen feer kenjal! Cre'n fa ren ad shen er nyn son?

**Jane** Slane lhieu o Tendeilee ooasle. Cha jeanmayd rieu jarrood shiu choud's ta shin bio

**Ooille** Cha jeanmayd rieu jarrood shiu.

**Mnr Carraghey** Wahll! Ta naight mie ayn. Ren yn oural oc gobbragh! Ta'n Shirragh fo raad reesht as ta conney dy liooar dy gholl boayl erbee ta shin gearree.

**Lhooba** Vel tra aym goll gys y phremmee?

**Jane** Dy tappee eisht. Eisht er ash gys yn Lhong-Spoar

#### Aght 9

*Tra ta ny fennee cheet er ash gys Y Shirragh ta Breck soaral red ennagh, ta ny roosteryn spoar follaghey, t'ad lheimmey magh as goaill greim er ny Fennee (ta wappanyn oc)*

**Cptn Frida** C'raad ta'n claasagh?

**Lhooba** Ayns shoh! Oh, oops!

**Creena** T'eh kiart dy liooar, Lhooba

*Ta ny roosteryn spoar chionnal mygeayrt y claasagh, feer ghreesit*

**Nora** Shoh eh! Yindyssagh, wow!

**Salvador** Agh cre voish haink eh?

**Orry M** Aye, as c'raad ta'n tashtey elley?

**Bnr Carraghey** C'ren tashtey elley?

**Ferris** Yn tashtey caillt Paititi

**Evie** Cha noddym credjal dy vel eh feer!

**Cpn Frida** Uss-cre voish haink shoh?

**Beaynid** Planaid beg ayns y kerroo Delta

**Nora** Hoooin roin eisht

**Treisht** Lhisagh shin ginsh daue mychione ny bugganeyn corree?

**Bnr Carraghey** Nah!

*Arrane shiaulley trooid Spoar*

**Captn Frida** Uss! Cur jough dou!

*Ta Noon as Noal jeeaghyn er ry cheilley, ta Breck gyrnal*

**Treisht** T'eh kiart dy liooar Noon as Noal

**Orry** As cre mychione bit dy chiaull- uss! cloie!

*Ta'n claarsagh goaill t. Cloie as ta ny roosteryn tuittym er chadley*

**Bnr Carraghey** nish fodmayd cur baase daue  
**Fennee elley** Fuirree/ scuirr/ cha nee!  
**Noon** ta plan ain  
**Noal** immee gys y phlanaid as cur ad gys ny bugganeyn  
**Noon** cur yn claarsagh daue neesht  
**Noal** Ren shiu geidey eh as va shen olk

**Jane** T'ad kiart- cre'n fa ren mee geidey eh? Cha nel mee my vaarliagh!  
**Creaney** Ta'n kiaull cur sleih fo druightys. Jeeagh orroo!  
**Lhooba** Ta mee gennaghtyn quaagh  
**Bnr Carraghey** Agh cha nodmayd scuirr yn kiaull- cha nel shin gearree adsyn doostit  
**Beaynid** cur red ennagh harrish nyn gleayshyn!  
**Treisht** Ta shin bunnys ec y phlannaid!

### Aght 10

*Ta ny gardyn nyn soie ayns mean kiarkyl, sollagh as skee, ta ny bugganeyn cruinnaghey my-nyn-geayrt*

### *Arrane Skilagalee reesht*

Fee vel yn aile cheh foast?  
Fum bunnys  
Fi Cre'n aght ta shin coagrey ad? Rostit, broiet, piggylit?  
Fum Oo s'mie lhiam sleih piggylit  
Fee share lhiam rostit, ny smoo sooagh  
Fi quoi ta geddyn nyn ging, s'mie lhiam king  
Fum share lhiam meir coshey, gowyms ny cassyn  
Fee faag dou yn crackan

*Ta ny fir coadee bibbyrnee as keayney Ta ny lussyn giggleragh 'sy coolrey*

Gard 1 Cre'n fa ta shiuish garaghtee? Cha nel shoh aitt!  
Gard 2 Bee shiu dunnal! Cre mychione ronney jeh'n arrane ashoonagh ain!  
Gard 3 Lah  
Gard 1 Cha nel shen reesht! Ta mee skee jeh!  
Gard 2 Ta red ennagh quaagh goll er-uss (*loayr rish luss*) insh dooin c'ren fys t'eu!

Luss 1 Cha jean ad gee shiu  
Luss 2 T'ad loayrt mychione gee sleih....  
Luss 3 Agh ayns firrynys....  
Luss 4 Cha nel ad gee feill!

Fee oy! Ny jean ginsh daue ooilley ny reddyn follit ain!  
Fi Ta shin gearree ad dy chooney lhien!  
Fum Ren maarliee geidey yn claasagh ain

Gard 1 (goaill magh pensyl) Cuin va shoh?  
Fee daa laa er dy henney  
Fi as cha nodmayd cadley gyn  
Fum ta shin feer skee  
Gard 2 Cre gollrish v'ad?  
Fee Va fer jeu feer lhoobagh  
Fum Va fer elley feer creaney



Fi Va folt liauyr ec yn maarliagh ee hene  
Gardyn Yn pobble scaapit ! Riftanyn  
Gard 2 Ta shin geiyrt orroo neesht, lhig dooin gobbragh ry-cheilley!

*Ta ny bugganeyn cruinnaghey ry- cheilley marish ny gardyn lurg tammylt ta ny Fennee sleetchal  
er yn ardan lesh yn claarsagh, jeeaghyn agglit*

Fum shudderyn  
Gard 1 tead  
Fi ushtey cheh  
Gard 2 baarey queeylagh  
Fee sollan  
Fum Skynn feer vooar  
Gard 3 gless moodee  
Fi pot feer vooar  
Gard 1 lhieen  
Fee aile feer vooar!

Treisht Ah hem!

*T'ad ooilley lheimmey*

Jane Gow my leshtal son geidey yn chlaarsagh

*Ta ny bugganeyn as Gardyn goaill ad. Ta ny roosteryn spoar cheet er jeeaghyn lieh doostit, cur  
magh wappanyn, ta Breck Noon as Noal geiyrt orroo*

**Cpn Frida** gowym shen!  
**Nora** Nish. C'raad t'an tashtey?  
**Fee** C'ren tashtey?  
**Salvador** Yn tashtey caillt Paititi  
**Fi** Cooyl oo!  
**Orry M** C'raad?  
**Fum** Dagh ooilley voayl, jeeagh!  
**Ferris** , **William** as **Evie** Lussyn?!  
**Mnr Carraghey** Cha nel ad lussyn cadjyn  
**Fee** T'ad cur dooin ocsyjeen as bee  
**Fi** T'ad aalin as t'ad soaral jesh  
**Fum** As t'ad freayll rick orrin!  
**Fee** She pargys yn plannaid ain  
**Lhooba** Nodmayd cummal ayns shoh meriu?

*Ta ny bugganeyn loayrt*

Bugganeyn Kiart dy liooar

**Cpn Frida** Cha bee shiu ayns feme jeh lhong spoar eisht!

*Ta ny roosteryn spoar ratchal gys y cheu, ta Noon as Noal cur magh nyn lurgaghyn son Frida as  
t'ee tuittym, ceau yn claarsagh, ta Breck goaill eh as cur eh da ny Bugganeyn*

Shoh yn cheer noa ain  
Nagh vel eh yindyssagh  
Nagh vel eh aalin  
Dagh ooilley nhee

Cha nel shin fo glonney  
Cha nel shin fo reillyn  
Seyrsnys persoonagh  
Dy chummal lesh bree

Shoh yn plannaid noa  
Nagh vel eh yindyssagh  
Shoh yn plannaid noa  
Shegin dooin freayll arrey er  
Shoh yn plannaid noa  
Cha row yn jerrey ain  
Lhig dooin goaill yn caa  
Dy hroggal nyn mea!